



Angelika Overrath, Dumenic Andry e Flurina Badel (da san.) con lur Litteraturas 30 personalas.

FOTOS F. ANDRY

La raccolta da Litteraturas 30

■ (anr/fa) **Var 160 paginas vidas aveva la Litteratura 30 ch'è vegnida scumpartida avant in onn per l'emplenir cun texts, dissegns, collaschas. Il resultat da quest experiment è ina ventgina litteraturas emplenidas.** «Ventg personas ans han tramess enavos lur Litteraturas 30», ha ditg *Chatrina Josty*, la presidenta da l'Unìun da litteratura rumantscha (ULR) ed exprimì ses grond plaschair da questa raccolta. Ils preschents als Dis da litteratura

han gì l'ocasiun da sfegliar en las Litteraturas emplenidas cun poesias, collaschas, dumondas, skizzas, gieus, retgams, istorgias lungas e curtas e fitg curtas, dissegns, notizias e diaris. Per dar in'invista en ils resultats da quest experiment ha fatg *Carlo Clopath* da Trin, student a la Scuola d'art a Lucerna, ensemen cun sia constudenta *Julie Richoz* ina selezziun da las pli bellas paginas da las 20 Litteraturas turnadas a Domat. L'ediziun è limitada. Tge ex-

perientscha è quai stà per quels che han creà da questas Litteraturas tut spezialas? *Dumenic Andry* da Zuoz, *Flurina Badel* da Basilea, *Dominique Dosch* da Tinzong ed *Angelika Overrath* da Sent èn quatter personas che han elavurà lur Litteraturas da maniera fitg differenta. A chascun da la vernissascha da l'exposiziun han els prelegì or da lur Litteraturas 30 personalas e raquintà da lur experientschas cun las paginas alvas.